

सोनाला रा नाथ हेलो साम्भलो,

दोहा सोनाला रे मायने,
भेरूजी रो धाम,
दर्शन आवे यात्री,
भेरू सारे सकल रा काज ।

आप रे दर्श कारणे भेरू आया,
सोनाला माय दर्शन दीजो,
टाबरिया जोवे बाट अरजी सुनजो,
थाने जोडा दोनु हाथ अरजी सुनलो,
अरे सोनाला रा नाथ हेलो सांभलो ओ जी,
अरे सोनाला रा देव हेलो सुनलो,
माँ चामुण्डा रा लाल अरजी सुनलो,
अरे सोनाला रा देव अरजी साम्भलो ओ जी ॥

अरे थारे चढावन कारणे भेरूजी ओ,
आज बाकलीया रंदावु हेलो सुनजो,
भेरू बाकलीया रंदावु हेलो सुनजो,
ओ भेरू ब्राम्हणी रा लाल अरजी सुनलो,
अरे सोनाला रा नाथ हेलो साम्भलो ओ जी ॥

अरे काला रे गोरा वीर खेतला,
भक्तो रा आधार हेलो सुनजो,
भेरू भक्तो रा आधार हेलो सुनजो,

ए थाने जोडु दोनु हाथ हेलो सुनजो,
अरे भगतो रा रखवाल हेलो साम्भलो ओ जी ॥

अरे माता ब्राह्मणी रा लाल भेरू,
भगतो रा रखवाल हेलो सुनजो,
ए माँ चामुण्डा रा लाल अरजी सुनलो,
ए भगतो रा प्रतीपाल हेलो साम्भलो ओ जी ॥

अरे लख लख आवे जातरी भेरूजी ओ,
आज ध्यावे दिन ने रात अरजी सुनलो,
ओ मारा सारंगवा रा नाथ अरजी सुनलो,
अरे सोनाला रा वीर हेलो साम्भलो ओ जी ॥

अरे आपरे दर्श रे कारणे भेरू आया,
सारंगवा रे माय दर्शन दीजो,
टाबरिया जोवे बाट अरजी सुनजो,
थाने जोडा दोनु हाथ अरजी सुनलो,
अरे सोनाला रा नाथ हेलो सांभलो ओ जी ॥

गायक महेंद्र सिंह जी राठौर ।
प्रेषक मनीष सीरवी
9640557818

Source: <https://www.bharattemples.com/sonala-ra-nath-helo-sambhalo/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>